

Jasmina Bišćević Tokić
Zastupnica u Skupštini Kantona Sarajevo
Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo

Uputiti: Ured za borbu protiv korupcije i upravljanje kvalitetom Kantona Sarajevo, n/r direktora

PREDMET: ZASTUPNIČKO PITANJE

Poštovani,

S obzirom da sam dobila jako veliki broj pisama o neregularnosti konkursa za prijem policajaca u MUP KS, molim Vas da utvrditi sve činjenice koje su navedene u pismima.

Dana, 17.11.2021. godine grupa u periodu od 15 do 17 sati nije bila pod video i audio snimanjem, te predsjednik komisije nije bio prisutan, jer je kasnio. Beep test koji se trčao je bio za marince, a ne za policajce. Testiranje su proveli na taj način da je u isto vrijeme trčalo 16 kandidata, 8 sa jedne strane, a osam sa druge, mimoilazeći se na onako malom prostoru sale jedinice za specijalističku podršku. Član 17. Pravilnika propisuje Beep test međutim iz tabele se može vidjeti greška za prolaz. Navodi da kumulativna distanca 1684, a 94 dužine. Ako je 20 metara puta 94 dužine, onda to nije 1684. Očito testiranje nije bilo u skladu sa Pravilnikom koji je na snazi.

Želim da provjerite da li su testu pristupali kandidati sa šiframa koje se ne nalaze na spisku da nisu ispunili uslove za fizički test šifra 111. Server nakon 15 dana od testiranja je navodno popravljen zbog greške, pa su se nakon uspostave servera našla još nova imena kandidata, tačnije novih 50 imena.

Pojedini članovi Komisije i članovi Nezavisnog odbora imaju članove porodice u tih 200 kandidatama i navodno su prošli, nakon pada servera iako nisu položili test općeg znanja.

Dalje, konačni spiskovi primljenih kandidata su u šiframa. Zašto? Imena i prezimena nije zaštita ličnih podataka. Agencija za zaštitu ličnih podataka je dala već svoje mišljenje za objavljivanje imena i prezimena kandidata.

Tražim da mi se dostave spiskovi sa imenima i prezimenima kandidata koji su prošli na konkursu. Da se provjeri da li su fizičkom testu pristupili kandidati koji nisu položili pismeni test? Da li je testiranje svih grupa kandidata bilo pod video i audio snimanju? Da li su primljeni članovi porodica Nezavisnog odbora i članova Komisije?

S poštovanjem,

Jasmina Bišćević Tokić, Zastupnica u Skupštini Kantona Sarajevo